



QUÆSTIO MEDICA,

QUODLIBETARIIS DISPUTATIONIBUS

manè discutienda in Scholis Medicorum, die Jovis

29 Januarii 1722.

M. LUDOVICO-SIMONE EMMEREZ;

DOCTORE MEDICO PRÆSIDE.

An ab externis præcipua Pests Curatio?

I.

EST inter singulas corporum partes peculiare vinculum, est & inter singula corpora inimitabile commercium, Divinæ Artis stupendum opus, fons & origo *εὐπνείας*, Magnæfimi, consensus, quo cuncta conspirant invicem & amico junguntur coedere. Suos patitur manes quodlibet corpus; Soli est sua periodica affectio, sua aëri, sua terræ, mineralibus & plantis, sua homini & brutis. Quor effectus, tot mutationes; harumce quorumlibet virtus aut vitium à majori vel minori unius corporis cum aliis necessitudine metienda: magna ideo est aëris vicissitudinum instabilisque conditionis habenda ratio: ipse accipit ab omnibus, cunctis idem largitur: omnia nutrit aër, ex omnibus nutritur, vegetat, increfcit, marcescit, languet, deficit; nati indè morbi *ἐνδογενῶν, ἐκδογενῶν*, maligni, inconstantes, & qui solitis resistent remediis. Vulgarior aëris morbus, pestis est: quascumque obsidet regiones, quasdam tamen magis infestat; modò in fegetes, modò in arbores, nunc in bruta, nunc in homines sævit truculenter. Abdita rerum negligatur causa; vesana hæc inquisitio, inutilisque labor: in omnia quæ produci debent, aut in ea quæ deficiunt vel percutunt per quasdam anni tempestates, convertantur oculi: si sit annonæ penuria, fructuum inopia, si mellis areseat, desideretur proles, si Natura suos condar thesauros, tunc plerumque accusanda aëris lucis, quadamque pellis species. Plurimos & discrepantes parit effectus morbus ille aëris pro plagarum & tempestatum discrimine. Dolosa pellis occulta, subita, densa morte sæpe grassatur; non folis bubonibus circa axillas & inguina, non anthracibus tantum defævit; sæpissimè brevi moriturum maculæ purpureo-violaceæ defædant corpus, exedunt variolæ, febri maligna consumit, sudor colliqueat sanguineus, *δυσεντερία* exhaurit. In causâ pellis antecedente suspendendâ, mitigandâ, cicurandâ vertitur totius curationis cardo. Hostis extris oppugnat, extris debellandus; efficacius eum prospiciat apta, sagax, & idonea rerum non-naturalium externarumque comparatio; hoc Medicus verum ac ferè unicum pellis ducat esse remedium.

II.

SI crebrius oriretur pestis, ei assuescerent homines: ubi necessaria, & inevitabilis est contagii marces, quid juvat timor? Ancipites & dubii sunt ejusdem effectus, quid prodest desperatio? Ubi major luctus, timor acrior, tumultus vehementior, tre-

A

pidatio violentior; ibi incertior ægotantium cura, mors citior, ad sanos morbi pestilentialis celerior accessio, ejusdem progressus major, indoles malignior. Savienter peste, esto tranquilla mens, solitis exercitiis & laboribus indulgito; nihil violentum, nisi brevissimo sit impetu, adhibeto. Repugnantes pertinacius impugnat victrix lues. Venæ sectionis, purgationis maximum est in Arte Medicâ momentum; illa nauræ, hæc Medici manus: cui horumce remedium virtus magis nota est, huic major sit commendatio. Frequentior plethora, rarior cacochymia, frequentior indè sanguinis missio, rarior cathartis. Solâ sæpè venæ sectione intererit Medicus, nisi, quominus principis morborum obsetur, impediat obsetra ipsiusmet mali origo, & ægotantis repugnantia; nata indè crebre purgationis necessitas, quæ antea fuisset inutilis & nociva. Horumce tamen remedium in peste Massiliensi non maxima deprehensa virtus: vix semel aut bis venam secare datum est: vix mitiora potuere adhiberi purgantia; fortiora qualibet fuisse perniciofa: nec felicius fuit, quod hodiè laudant, multiformis præstantiæ Kerimes mineralæ, insidum forsan, quod à cucullato Pharmacopolâ non fuerit unicuique ægrototo ministratum. Remedia quæ intus usurpata fuisse, Bezoardica, Diaphoretica, Theriacalia, Narcotica; plus damni quàm emolumenti attulere. Efficax verò fuit Kina-kina usus, sapienti & modicâ copiâ adhibitus; non ut materiam morbilicam debellaturus, (quæ remediis cedit externis, aut externè semetipsâ curatur,) sed tanquam opimum *εμφακτικό* & astringens, fatiscentes ventriculi vires restaurans, viciari humoris præcopiâ in ventriculæm depluentis acrimoniam retundens, chylum laudabiliorem efficiens, primarum viarum sanitatem conservans aut labem impediens: sic major in specie afflucit curationis. Pestiferus sanaturus veniat, cui Religionis donum est, cui mens excellit, robustumque ac vegetum corpus; sit Medicus ille ingeniosus, promptus in iudicando, in curando prudens, in observando diligentissimus; quærat & fingat medicamenta, multa medeat, longè plura promittat; in arte suâ versatissimus, in aliis disciplinis non rudis aut novus videatur; omnia ad hominis conservationem nata parataque esse ex operibus suis demonstrat; sit Dux, sit Prætor, imò cum Regibus ipsi imperet, subditum se legi non oblitus.

III.

IN morbis cum benignis tum malignis expectatio magnum sæpè fuit remedium. Crimen nunquam cunctanti Medico impeditur *εχέστος* aut symptomaticæ cujuslibet evacuationis: utraque sæpè admodum ab internis medicamentis promoveri, ab iisdem coerceri facillimè potest. In peste à remediis intus adhibendis avertunt Medicum indicationis absentia, multiplicitas aut confusio, virium in ægro subita functaque prostratio. Non evagari debet Medicus, modò hoc, modò illud propinans; imperita stoliditas per omne remediū genus oberrat. *Extremis morbis extrema exquisita remedia*; nomine extremi remediū intelligenda venit exquisita admodum diæta, id est, exacta victus institutio omnes res non-naturales & externas complectens. Ad rescindendos ægros quotidie sub finem morborum præscribuntur, quæ vocant cardiaca, medicamenta: hisce præcipiantur ægri, & qui peste cruciantur, maxime: istis volatilibus pharmacis augentur crispaturæ, *ιπδική*, solidorum vibrationes, residuum tollitur liquidum momentum, corrumpit necessè est æquilibrium, lethales properantur *περυσνός*, *στ*, magis ac magis alexalefant humores ac corruptuntur, celerius indè pereunt ægotantes, imò certius, quam ii, qui naturæ viribus morbiq; genio fuerint derelicti. Vult deficere natura, ipsa deficit medicina, solum deficere pudet Medicum, quasi ipsomet supremo Numine potentior debeat esse. Ferietur ergo Medicus, nec idè erit otiosus ac inutilis: temperet ab ingentibus medicaminibus; aliud est tempus, alia sit cura: caveat ne ægotans pharmacæ cupiat ac pollulet, desiderium excipiunt anxietas, desperatio, perturbatio mentis, haud exigua pestis irritamenta. In hisce temporum angustias ac calamitatis secretorum radix est imaginatio, confidentia, & in universum qualibet passio quam imprimere debet Medicus. Oportet infirmo salutem polliceri, nec unquam à spe depellere, licet ipse desperet; bona confidentia & spes plus valent quàm Medicina. Probet Medicus se hominem nosse, non tantum quodam corporis mirabilem texturam, sed etiam quodam infinitas animæ virtutes: curet de mundandis sedulo ægotantibus, de specie, quan-

3

titare, tempore, facilitate alimentorum, de removendis quibuscunque nocivis ac trif-
tibus objectis, de promptâ, occultâ, magisque opportunâ sepeliendorum cadaverum
ratione, de aëre corrigendo, aut de viribus Medicis ipsi conciliandis. Præstet ita suam
operam, sique omnia dirigat, ut privatarum unicuique ordini legum tenor servetur &
σιέπεια, præcipuaque habeatur ratio externorum ritè comparandorum: ea sunt, vel sa-
nis ac peste laborantibus communia, vel utrisque propria.

IV.

AEGROS & sanos in unâ regione degentes maximè respiciant externa duo, aër
& alimentum; ambo invicem reciproca, ita ut alterius vitia ab alterius sanâ con-
ditione possint emendari: corpori aëris labes communicatur, aëri inicitur lues ex im-
puris, aut malè elaboratis evacuationibus cum sensibilibus tùm insensibilibus. Videat
Medicus an pestis ab aëre, an ab alimento: præter aërem ac cibos est aliquid tenuissi-
mum nec ullo sensu assequendum, in quo contagium: ac si sanus conservetur aër, si
tempestati & incolarum naturæ accomodetur victus; lues contagiosa plures intactos re-
linquet, saltem facilius deseret, quos attigerit. Malignitas in externo mole tenuissi-
mâ donato præprimis continetur. Tempore pestis, utilior adjectio, quàm detractio.
At enim, *impura corpora quò magis nutries, eò magis lades*. Verùm impuritas, alia ab
humorum turgescentiâ, infarctû, nimia copiâ, alia ab humoribus vapidis, solidorum
vibrationi celerius cedentibus, *συγκωπὰς*, *λεισποδύπας*, pestis febriumque malig-
narum symptomata pariens: illi tenuis expedit victus, huic plenior diæta. Ex nimio
calore evadit aër tenuior, fit actris & veluti mordax: hinc sæpius torridas pestis in-
vadit plagas. Tenuitas ista emendatur herbis refrigerantibus per cubacula ltratis, arbo-
ribus per vicos & urbes combustis, iis potissimè quæ succo aquosiore turgentibus paucio-
rem resinam & rarius aroma exhalant. Aër Massiliensis, Canonicensis, Mariolensis,
odoriferis Thymi, Serpilli, aliorumque effluviis naturâ suffitus, nec minus peste de-
vastatus. Irriguntur quotidie lymphis viæ, emporia, plateæ, contubernia, domus agro-
rum. In aërem tenuem proclivius serpit quælibet impuritas. Si quid recens corruptum,
citò removeatur; si dudum coacervatum, fugiant Incolæ. Dùm sævit pellis, ne desit
cibus, panis & caro; horum quam vilissima reddatur annona, si desint, ad suppedi-
tandos conmeatus vicinæ cogantur Urbes; frumentum si desit omninò, necessaria ali-
menta parentur ex orizâ, avenâ, pistaciis, amygdalis, castaneis, avellanis. Nulla pars
ex animali contemnatur: est sua parandorum in cibis interaneorum ratio: alimenta ex
ebore, cornu cervino, ollibus parabilia, ne negligantur. Sic crescet alimentæ copia, sic
minor in Urbe sollicitudo, sic optimè sanis & ægris erit à Medico consultum.

V.

PRÆTEREA alia sunt externa propria sanis, alia pestiferis. Illa spectant *περὸς*
ἑαυτὴν, *διεσώτειν* illa. Ut servetur pestilenti tempore sanitas, ex Arte Medico-præ-
toria plurima præcepta eruuntur: Ars Medico-chirurgica suppeditat multa, ut *λατὰ*
restituatur. Civilis administrationis prima lex esto, ut sani ab ægris secedant; sit fuga,
absit trepidatio; initio morbus gravis prudenter timetur: ex levi conjecturâ quælibet
cautio sapiens, incumbente jam morbo & inolito plerumque inutilis. Ut segregatio
fiat sine tumultu, inspiciat Medicus Urbis situm, magnitudinem, populi frequentiam,
tempestatem, sanorum ægrorumque multitudinem. Hyeme, spatiosa Urbe, quæ pri-
mum pars senserit contagium, in eam ex toto Oppido contrudantur pestiferi, intacti
arecantur: angusto Oppido, & referto plebeculâ quæ mercalibus operis sibi vicium pa-
ret, construatur extra Urbem *τοποκρίσιον*. At sudo Cælo, patente agro qui sit amoenus,
vastus, planus, vicinus flumini, commodè velut castris positus tabernacula mobilia sta-
tuantur, texta ex cannabe, quovis die latice aqueo madefacienda: hac Arte æger mun-
ditur, curatu faciliior, aër purior, contagium languidius, aut nullum; fato functorum
sepultura obscurior, celerior, expeditior. Hodiernam pellem ex tensione fibrarum inso-
lita natam arguunt, symptomata medicaminibus emollientibus & suppurantibus cedere
docilia, & immunitas à peste hominum strumoforum ac scorbuticorum, quos nimia la-
xitas tutata est. Torus esto Medicus in sanandis bubonibus & anthracibus, in præca-

vendis sphacelo & gangranâ, tumores istos facillè excipientibus. Reddito facilem ægro respirationem; ea maximè efficit & liquorum circuitum & humoris vitiosi expulsiõnem; ea ægros ad sanitatem comparat & adversùs recidivas priore morbo peiores: ducatur criticè, quod fuit symptomaticè protrusum. Pars agra, si vel humore turgida, vel exesa, indicat scarificationes, cauteria, topica volatilia - camphorata; quæ subjacet minus morbosâ pars, maturantia, anodyna, digerentia, suppurantia postulat. Juvat itaque utrumque simul applicatum remedii genus Major butyri ex antimonio comperta vis quàm vitrioli externè appositi Siccas & præcipientes tumorum sectiones excipere gangrena, sphacelus. Sectis imprudenter venæ cruralis ramis lateralibus, *disposita* multos sustulit. Statim excitanda fuit, ut promptius institueretur, ab avulso aut ulso tumore suppuratio: unica hæc ferè morbi solutio, per quam nondum hærens vitiosa materies sensum eliminabatur. Ad peltem igitur debellandam potentiora remedia præbet Ars Medico-chirurgica, sed ea externa, quæ tamen vix agunt, nisi ritè parentur, quæ hominem vel afficiunt, vel contingunt, vel subeunt.

Ergo ab externis præcipua Pests Curatio.

Domini Doctores disputaturi.

M. Jacobus - Philippus Davier de Breuille.	M. Ludovicus - Simon Emme- ruz, Althi Præses.	M. Petrus Azevedo.
M. Jacobus Trant.	M. Joannes-Baptista Mongin, Scholarum Professor & Me- dicus Regis ordinarius.	M. Joannes Herment, utrius- que An. a Equestris, necnon Regis Medicus ordinarius.
M. Petrus Maloet, Regis Con- siliarius & Medicus, nec- non Domus Regiæ Invali- dorum Militum ordinarius.	M. Alexander le François.	M. Stephanus - Franciscus Geoffroy, Regis Scientiarum Academia Parisiensis, Regiæ- que Societatis Londinensis Socius & Regius Professor.

Proponebat Parisiis JACOBUS - JULIANUS CARREL,
Constantienfis, Baccalaureus Medicus, A. R. S. H. 1722.
à sextâ ad meridiem.